

庶徵典

庶徵典第七卷

庶徵總部彙考七

唐李德裕窮愁志 祥瑞

夫天地萬物異於常者雖至美至麗無不爲妖覩之宜先戒懼不可以爲禎祥何以言之桓靈之世多鸞鳳丘墳之上生芝草神仙之物食之上可以凌倒景次可以保永年生於丘墳豈得爲瑞若以孝思所致則瞽瞍之墓曾皙之墳宜生萬枝矣何者爲仁孝之瑞唯甘露降於松柏皞皞素鳥馴擾不去皆有皞素之色足表幽明之感貞元中余在甌越有隱者王遇好黃冶之術暮年有芝草數十莖產於丹竈之前逾月而遇病卒齊中書抗有別業生芝草百餘莖數月而中書去世又餘姚守盧君名從在郡時有芝草生於督郵屋梁上其歲盧君爲叛將栗鎰所害置遺骸於屋梁之下並耳目所驗非自傳聞由是而言則褒姒驪姬皆爲國妖以禍周晉綠珠窈娘皆爲家妖以災喬石不可不察也又黃河清而聖人生徵應不在於當世明矣柳谷元石爲魏室之妖啟將來之端亦不可不察也是以宜先戒懼以消彘穀雉之變耳

喜徵

陸賈稱蟠子垂而百事禁不徵其故何也凡人將有喜兆必垂于冠冕余常思之蓋以人肖圓方之形稟五行之氣有生之最靈者也如景如火忽有歆然感氣發于圓首之上其榮盛也如陽氣發生烟涵熅煦其變衰也如秋氣索然寂寞沈悴雖不能自覩其鑒明者必可察之唐舉許負疑用此術所以望表而知窮達何以明之淑春愛景必有蟠子垂於簷楹之間室有明燭膏爐必垂於屏幃之際喜氣將盛故集於冠冕之上以此推之無所逃也

宋俞誨百怪斷經 噫噴占

子時主酒食 丑時主女思 寅時主女相和 卯時主財喜 辰時主酒食 巳時主人來財
午時主有客來 未時主酒食 申時主驚不利 酉時主文人來求 戌時主和合 亥時主吉
利

眼跳占

子時左主貴右主酒食 丑時左主憂右主人思 寅時左主行人右主吉 卯時左主貴人右主

平安 辰時左主客來右主害 巳時左主酒食右主凶 午時左主得意右主凶 未時左主吉
右主喜 申時左主財右主人思 酉時左主音信右主客至 戌時左主他喜右主酒食 亥時
左主貴人右主官事

心驚占

子時有女人思 丑時惡事不利 寅時有客來 卯時有酒食 辰時有喜事 巳時有大獲
午時主有酒食 未時有女人思 申時主喜事 酉時主喜信 戌時有官客至 亥時主惡服
夢怪大凶

耳鳴占

子時左主女思右主失財 丑時左主他喜右主口舌 寅時左主失物右主心急 卯時左主坎
珂右主客至 辰時左主得意右主行人至 巳時左主凶右主大吉 午時左主信右主親人至
未時左主他役右主遠人來 申時左主行人右主吉 酉時左主失財右主吉 戌時左主遠
行右主康 亥時左主吉右主凶

耳熱占

子時主有僧道來議事 丑時主有喜事大吉 寅時主有酒食吃 卯時主有遠人來 辰時主有喜事大吉 巳時主失財物不利 午時主有喜事來 未時主有奇獲 申時主有客來酒食 酉時主女子至婚事 戌時主有爭訟口舌 亥時主有詞訟口舌

鴉鳴占

寅卯時正東送物東南爭正南吉西南吉正西外人思西北酒食正北口舌東北病 辰巳時正東風雨東南女客正南相命西南爭正西官訟西北貴人至正北相命東北親至 午時正東爭東南親客正南爭西南不寧正西送物西北酒食正北六畜至東北送物 未申時正東凶東南凶信正南遠信西南大雨正西吉西北親客正北失物在東北客至 酉時正東公事東南外服正南故人西南相召正西客至西北失物正北病東北客至

凡呼羣喚子競食爭巢難以概占但其鳴異常者占之甚驗若在百步之外不必聽也

明婁元禮田家五行 論日

日暈則雨 諺云月暈主風日暈主雨 日脚占晴雨 諺云朝又天暮又地主晴反此則雨 日沒後

起青白光數道下狹上闊直起互天此特夏秋間有之俗呼青白路主來日酷熱 日生耳主晴雨
諺云南耳晴北耳雨日生雙耳斷風截雨若是長而下垂通地則又名白日幢主久雨日出早主雨
出晏主晴老農云此特言久陰之餘夜雨連旦正當天明之際雲忽一掃而捲卽日光出所以言早
少刻必雨立驗言晏者日出之後雲晏開也必晴亦甚準蓋日之出入自有定刻實無早晏也愚謂
但當云晴得早主雨晏開主晴不當言日出早晏也占者悟此理日外自雲障中起主晴諺云日頭
甕雲障曬殺老和尚日沒返照主晴俗名爲日返塢一云日沒胭脂紅無雨也有風或問二候相似
而所主不同何也老農云返照在日沒之前胭脂紅在日沒之後不可不知也諺云烏雲接日明朝
不如今日又云日落雲沒不雨定寒又云日落雲裏走雨在半夜後已上皆主雨此言一朵烏雲漸
起而日正落其中者諺云日落烏雲半夜楊明朝曬得背皮焦此言半天元有黑雲日落雲外其雲
夜必開散明必甚晴也又云今夜日沒烏雲洞明朝曬得背皮痛此言半天上雖有雲及日沒下去
都無雲而見日狀如巖洞者也已上皆主晴甚驗

論月

月暈主風何方有闕卽此方風來新月卜雨諺云月如挂弓少雨多風月如偃瓦不求自下又云月
偃偃水漾漾月子側水無滴新月落北主米貴荒諺云月照後壁人食狗食作竊者易敗果驗月初
始生前月大盡初二晚見前小盡初三晚見諺云大二小三初五夜裏更半月初八廿三上落半夜
十二夜裏天亮月十三四大明月著地十五十六正團圓十七十八正轟喧十八九坐可守二十二
十一月上一更急二十二與三月上半闕殘二十四五六月上好煮粥二十七與八日月東方一齊
發二十九夜略有上弦初七八九下弦二十二三四

按此但言晦朔弦望之候并志之以見田家之諺

論星

諺云一個星保夜晴此言雨後天陰但見一兩星此夜必晴星光閃爍不定主有風夏夜見星密主
熱諺云明星照爛地來朝依舊雨言久雨正當黃昏卒然雨住雲開便見滿天星斗則豈但明日有
雨當夜亦未必晴

論風

夏秋之交大風及有海沙雲起俗呼謂之風潮古人名之曰颶風言其具四方之風故名颶風有此

風必有霖淫大雨同作甚則拔木偃禾壞房室決堤堰其先必有如斷虹之狀者見名曰颶母航海之人見此則又名破帆風凡風單日起單日止雙日起雙日止諺云西南轉西北搓繩來絆屋又云夜半五更西天明拔樹枝又云日晚風和明朝再多又云惡風盡日沒又云日出三竿不急便寬大凡風日出之時必略靜謂之風讓日大抵風自日內起者必善夜起者必毒日內息者必和夜半息者必大凍已上並言隆冬之風諺云風急雨落人急客作又云東風急備蓑笠風急雲起愈急必雨諺云東北風雨太公言良方風雨卒難得晴俗名曰牛筋風雨指丑位故也諺云行得春風有夏雨言有夏雨應時可種田也非謂水必大也經驗諺云春風踏脚報言易轉方如人傳報不停脚也一云既吹一日南風必還一日北風報答也二說俱應諺云西南早到晏弗動草言早有此風向晚必靜諺云南風尾北風頭言南風愈吹愈急北風初起便大春南夏北有風必雨冬天南風三兩日必有雪

論雨

諺云風打五更日曬水坑言五更忽有雨日中必晴甚驗晏雨不晴雨著水面上有浮泡主卒未晴

諺云一點雨似一個釘落到明朝也不晴一點雨似一個泡落到明朝未得了諺云天下太平夜雨日晴言不妨農也諺云上牽晝暮牽齋下晝雨嘒嘒諺云病人怕肚脹雨落怕天亮亦言久雨正當昏黑忽自明亮則是雨候也雨夾雪難得晴諺云夾雨夾雪無休無歇諺云快雨快晴道德經云飄風不終朝驟雨不終日凡雨喜少惡多諺云千日晴不厭一日雨落便厭

論雲

雲行占晴雨諺云雲行東雨無蹤車馬通雲行西馬濺泥水沒犁雲行南雨潺潺水漲潭雲行北雨便足好曬穀上風雖開下風不散主雨諺云上風皇下風隘無蓑衣莫出外雲若砲車形起主風起諺云西南陣單過也落三寸言雲陣起自西南者雨必多尋常陰天西南陣上亦雨諺云太婆年八十八勿曾見東南陣頭發又云千歲老人不曾見東南陣頭雨沒子田言雲起自東南來者絕無雨凡雨陣自西北起者必雲黑如潑墨又必起作眉梁陣主先大風而後雨終易晴天河中有黑雲生謂之河作堰又謂之黑豬渡河黑雲對起一路相接互天謂之女作橋雨下闊則又謂之合羅陣皆主大雨立至少頃必作滿天陣名通界雨言廣闊普遍也若是天陰之際或作或止忽有雨作橋則

必有挂帆雨脚又是雨脚將斷之兆也不可一例而取凡雨陣雲疾如飛或暴雨乍傾乍止其中必有神龍隱見易曰雲從龍是也諺云旱年只怕汾江挑水年只怕北江紅一云太湖晴上文言亢旱之年望雨如望恩纔是四方遠處雲生陣起或自東引而西自西而東俗所謂排也則此雨非但今日不至必每日如之卽是久旱之兆也此吳語也故指北江爲太湖若是晚霽必兼西天但晴無雨諺云西北赤好曬麥陰天下晴諺云朝要頭頂穿暮要四脚懸又云朝看東南暮看西北諺云魚鱗天不雨也風顛此言細細如魚鱗斑者一云老鯉斑雲障曬殺老和尚此言滿天雲大片如鱗者故云老鯉往往試驗各有准秋天雲陰若無風則無雨冬天近晚忽有老鯉斑雲起漸合成濃陰者必無雨名曰護霜天諺云識每護霜天不識每著子一夜眠

論霞

諺云朝霞暮霞無水煎茶主旱此言久晴之霞也諺云朝霞不出市暮霞走千里此皆言雨後乍晴之霞暮霞若有火焰形而乾紅者非但主晴必有久旱之兆朝霞雨後乍有定雨無疑或是晴天隔夜雖無今朝忽有則要看顏色斷之乾紅主晴間有褐色主雨滿天謂之霞得過主晴霞不過主雨

古今圖書集成
若西方有浮雲稍厚雨當立至

論虹

俗呼曰蜃諺云東蜃晴西蜃雨諺云對日蜃不到晝主雨言西蜃也若蜃下便雨還主晴

論雷

諺云未雨先雷船去步來主無雨諺云當頭雷無雨卯前雷有雨凡雷聲響烈者雨陣雖大而易過雷聲殷殷然響者卒不晴雷初發聲微和者歲內吉猛烈者凶甲子日尤吉雪中有雷主陰雨百日方晴東州人云一夜起雷三日雨言雷自夜起必連陰

論霜

每年初下只一朝謂之孤霜主來年歉連得兩朝以上主熟上有鎗芒者吉平者凶春多主旱

論雪

下雪而不消名曰等伴主再有雪久經日照而不消亦是來年多水之兆也

論電

夏秋之間夜晴而見遠電俗謂之熱閃在南主久晴在北主便雨諺云南閃千年北閃眼前北閃俗謂之北辰閃主雨立至諺云北辰三夜無雨大怪言必有大風雨也

論氣候

凡春寒必多雨諺云春寒多雨水元宵前後必有料峭之風謂之元宵風凡春有二十四番花信風二月初有水謂之春水二月八日張大帝生日前後必有風雨極準俗號爲請客風送客雨正日謂之洗街雨初十謂之洗廚雨社日多有微雨數點謂社公不吃乾糧果驗諺云清明斷雪穀雨斷霜芒種後雨爲黃梅雨夏至後爲時雨此時陰晴易變諺云黃梅天氣蹇蒲間切向老婆頭邊也要擔了蓑衣簪帽去六月有水謂之賊水八月十八日潮生日前後有水謂之橫港水九月初有雨多謂之秋水立冬前後起西北風謂之立冬信月內風頻作謂之十月五風信

論朔日

晴主月內晴雨謂之交月雨主久陰雨若此先連綿有雨反輕風吹月建方位主米貴自建方來爲得其正萬物各得其所晴雨各得其宜

論旬中尅應

新月下有黑雲橫截主來日雨諺云初三月下有橫雲初四日裏雨傾盆月盡無雨則來月初必有風雨諺云廿五廿六若無雨初三初四莫行船廿五日謂之月交日有雨主久陰廿七日最宜晴諺云交月無過廿七晴

論甲子

諺云春雨甲子乘船入市夏雨甲子赤地千里秋雨甲子禾頭生耳冬雨甲子飛雪千里一說甲子春雨主夏旱六十日夏雨主秋旱四十日此說蓋取其久陰之後必有久晴諺云半年雨落半年晴甲子遇雙日是雌甲子雖雨不妨

論壬子

春雨人無食夏雨牛無食秋雨魚無食冬雨鳥無食又云春雨壬子秧爛蠶死又云雨打六壬頭低田便罷休一云更須看甲寅日若晴拗得過不妨諺云壬子是哥哥爭奈甲寅何若得連晴爲上不然而二日內亦當以壬子日爲主一說壬子雨丁丑晴則陰晴相半二日俱晴六十日內少雨二日俱

雨主六十日內雨多近聞此說累試有驗

論甲申

諺云甲申猶自可乙酉怕殺我言申日雨尙庶幾酉上雨主久雨一云春甲申日則主米暴貴又云閩中見四時甲申日雨則人家閉糴價必踊貴也吳地嵐最畏此二日雨故特以怕殺二字表其可畏之甚也每試極准

論甲戌庚必變

諺云久雨久晴多看換甲又云甲午旬中無燥土又云甲雨乙拗又云甲日雨乙日晴乙日雨直到庚又云久晴逢戊雨久雨望庚晴又云逢庚須變逢戊須晴又云久雨不晴且看丙丁又云上火不落下水滴沍言丙丁日也

論鶴神

己酉日下地東北方乙卯轉正東庚申轉東南丙寅轉正南辛未轉西南丁丑轉正西壬午轉西北戊子轉正北癸巳上天在天上之北戊戌日轉天上之南甲辰轉天上之東己酉復下周而復始括

云纔逢癸巳上天堂己酉還居東北方上天下地之日晴主久晴雨主久雨轉方稍輕若大旱年雖轉方天並不作變諺云荒年無六親旱年無鶴神己亥庚子己巳庚午謂之水主土多是值雨庚申日晴甲子必晴丁未日雨殺百蟲

論山

遠山之色清明明爽主晴嵐氣昏暗主作雨起雲主雨收雲主晴尋常不會出雲小山忽然雲起主大雨久雨在半山之上山水暴發一月則主山崩却非尋常之水

論地

地面濕潤甚者水珠出如流汗主暴雨若得西北風解散無雨石礫水流亦然四野鬱蒸亦然

論水

夏初水底生苔主有暴雨諺云水底起青苔卒逢大水來水際生靛青主有風雨諺云水面生青靛天公又作變諺云大水無過一周時諺云大旱不過周時雨大水無非百日晴言天道須是久晴則水方能退也故論潮者云晴乾無大汛合而言之可見水漲之易退之難也如此凡東南風退水西

北反爾此理蓋只是吳中太湖東南之常事往年初冬大西北風湖水泛起吳江人家俱浸水中風息復平謂之翻湖水纔是南風連吹半月十日便可退水三二尺又不還漲水邊經行聞得水有香氣主雨水驟至極驗或聞水腥氣亦然河內浸成包稻種既沒復浮主有水

論潮

每半月逐日候潮時有詩訣云午未未申申寅寅卯卯辰辰巳巳午午半月一遭輪夜潮相對起仔細與君論十三二十七名曰水起是爲大汛各七日二十初五名曰下岸是爲小汛亦各七日諺云初一月半午時潮又云初五二十夜岸潮天亮白遙遙又云下岸三潮登大汛凡天道久晴雖當大汛水亦不長諺云乾晴無大汛雨落無小汛

按此祇言潮汐之常候然反此則異故備錄之

論草

五穀草占稻色草有五穗近本莖爲早色腰末爲晚禾隨其穗之美惡以斷豐歉未必極驗但其草每年根根相似茆蕩內春初雨過菌生俗呼爲雷葦多則主旱無則主水草屋久雨菌生其上朝出晴暮出雨諺云朝出曬殺暮出濯殺看窠草一名干戈謂其有刺故也蘆葦之屬叢生於地夏月暴

熱之時忽自枯死主有水諺云頭孳生子沒殺二孳二孳生子旱殺三孳菱草水草也村人嘗剝其小白嘗之以卜水旱味甘甜主水味饒氣主旱

論花

梧桐花初生時赤色主旱白色主水區豆五月開花主水杞夏月開結主水藕花謂之水花魁開在夏前主水野薔薇開在立夏前主水麥花晝放主水鳳仙花開在五月主水槐花開一遍糯米長一遍價豐苦水旱四等草花雜占云薺菜先生歲欲甘葶藶先生歲欲苦藕先生歲欲雨蒺藜先生歲欲旱蓬先生歲欲荒水藻先生歲欲惡艾先生歲欲病皆以孟春占之係江南農事云

論木

凡竹筍透林者多有水楊樹頭並水際根乾紅者主水此說恐每年如此不甚應

論飛禽

諺云鴉浴風鵲浴雨八八兒洗浴斷風雨鳩鳴有還聲者爲之呼婦主晴無還聲者爲之逐婦主雨鵲巢低主水高主旱俗傳鵲意既預知水則云終不使我沒殺故意愈低既預知旱則云終不使我